



## UGOVOR o nabavci motornih vozila

KJKP Sarajevogas d.o.o., Sarajevo, Ul. Trg Fadile Odžaković Žute 4, Sarajevo, Bosna i Hercegovina,  
Koga zastupa: Direktor Preduzeća Mr.sc. Nihada Glamoč, dipl.ing.maš., (u daljem tekstu: Kupac)

i  
«PORSCHÉ BH d.o.o.», Ul. Bulevar Meše Selimovića 16, 71000 Sarajevo, BiH,  
Koga zastupa: Direktor Mag. Vaszi Andor Alex, (u daljem tekstu: Prodavac)

### Član 1.

Predmet ovog Ugovora je nabavka pet (5) teretnih servisnih bivalentnih vozila koja kao pogonsko gorivo koriste kombinaciju benzina i komprimiranog prirodnog gasa (CNG) i jednog (1) teretnog servisnog kombi vozila koje kao pogonsko gorivo koristi dizel-gorivo po provedenom otvorenom postupku nabavke broj TD-05-14/17. Prodavac motornih vozila je dostavio ponudu prema specifikaciji Kupca broj SP-OJ04-TD-05-14/17-01, koja je priložena je ovom ugovoru i predstavlja njegov sastavni dio.

### Član 2.

Ugovorna vrijednost robe iz člana 1. ovog ugovora bez poreznih obaveza iznosi: **164.496,73 KM (slovima: stotinušezdesetčetirihiljadečetiristotinedevadesetšest/100 KM)**, a jedinične cijene su specificirane u prilogu ovog ugovora i čine njegov sastavni dio. U ugovornu vrijednost iz stava 1. ovog člana su uračunati i troškovi transporta do skladišta kupca u Butilama, Sarajevo, Bosna i Hercegovina.

### Član 3.

Prodavac će robe iz člana 1. isporučivati prema specifikaciji SP-OJ04-TD-05-14/17-01 nakon zaključenja ugovora. Ugovorne strane su saglasne da se kvalitativni i kvantitativni prijem isporučenih vozila izvrši od strane ovlaštenih predstavnika svake ugovorne strane.

### Član 4.

Prodavac će obračun isporučene robe vršiti po jediničnim cijenama iz priloga ovom Ugovoru. Kupac će plaćanje izvršiti nakon isteka roka od **7 dana**, po prijemu uredno ispostavljene fakture na transakcijski račun prodavca naveden na fakturi.

### Član 5.

Kupac i prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja Ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

### Član 6.

Isporučena vozila moraju zadovoljavati zahtjevima propisanim Pravilnikom o dimenzijama, ukupnoj masi i osovinskom opterećenju vozila, o uređajima i opremi koju moraju imati vozila i o osnovnim uslovima koje moraju ispunjavati uređaji i oprema u prometu na cestama, kao i zahtjevima navedenim u specifikaciji SP-OJ04-TD-05-14/17-01.

Ukoliko isporučena vozila ne budu zadovoljavala zahtjeve propisane navedenim Pravilnikom, kao i zahtjeve tražene specifikacijom, kupac će ista vratiti na teret prodavca uz naknadu prouzrokovane štete.

Garancija na isporučena vozila je 4 godine ili 120.000 km, na karoseriju 12 godina, a na boju 3 godine, za vozila Škoda Citigo, a za VW Crafter 2 godine bez obzira na pređene kilometre, računajući od isporuke istih.

### Član 7.

Prodavac je u obavezi da u roku od 120 dana nakon potpisivanja ugovora isporuči vozila iz čl.1. Za svaki dan kašnjenja u isporuci kupac će zaračunati penale u iznosu od 1%, s tim da ukupan iznos penala ne može biti veći od 5% ukupne vrijednosti ugovora.



Obaveza prodavca je da uz isporučena vozila dostavi homologacioni list za svako vozilo homologirano u inostranstvu ili ateste i certifikate za ugrađenu kompletnu opremu za korištenje komprimiranog prirodnog gasa u vozilima (rezervoar gasa, ventili rezervoara gasa, regulator pritiska i.t.d.), kako bi kupac mogao doći u posjed dokaza o tehničkoj ispravnosti uređaja za gas, te izvršiti registraciju vozila pogonjenih gasom.

Obaveza prodavca je da dostavi i uputstva o sistemu, načinu funkcionisanja i održavanja sistema plinske instalacije i njenih sastavnih dijelova. Ukoliko se prodavac ne bude pridržavao odredbi preciziranih ovim ugovorom, a koje se tiču obaveza propisanih u stavu 2. ovog člana, kupac će isporučena vozila vratiti na teret prodavca uz naknadu prouzrokovane štete.

#### Član 8.

Ukoliko kupac u ugovornom roku iz člana 4. ovog ugovora ne izvrši plaćanje, obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

#### Član 9.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

#### Član 10.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključenja Ugovora.

#### Član 11.

Na sve odnose i institute koji nisu navedeni u Ugovoru, a pojave se prilikom realizacije primjenjivaće se odgovarajuće odredbe Zakona o obligacionim odnosima Bosne i Hercegovine.

#### Član 12.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

#### Član 13.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:

Direktor

Mag. Vaszi Andor Alex

Broj ugovora

U-258/17

Za Kupca:

Direktor Preduzeća

Mr. Sc. Nihada Glamoč, dipl.ing.maš.

Izvršni direktor

Mr. Mehmed Mehović, dipl.oec.

Broj ugovora

128/17  
12-06-2017